



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 40. Arsenius Legatus in Francia.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX. vembris successerat, qui hanc Cathedram
 A.C. 865. annis viginti quinque tenuit.

n. 12.

Rembertus olim voverat, defuncto
 Anshario statim vitam monasticam amplecti; unde ex consilio consecrantium se Pontificum mox post Ordinationem ad Monasterium novæ Corbejæ properans, habitum suscepit, & Regulam S. Benedicti observaturum se promisit, in quantum labor & occupatio suscepti Pontificatus permitterent. Cumque in Monasterio degere non posset, petiit socium, a quo Regulæ usum disceret. Ergo ei Diaconum, nomine Adalgarium, germanum videlicet & cognominem ejusdem Monasterii Abbatis dederunt. Sedit Rembertus in Cathedra Hamburgensi annis viginti tribus, præbens exemplum omnium virtutum, quæ verum monachum constituunt, ea perfectione, ac si in Monasterio perseverasset.

§. XL.

Arsenius Legatus in Francia.

Ann. Fuld.
 865. 866.

Arsenius Legatus Francofordiam mense Junio anno octingentesimo sexagesimo quinto perveniens, honorifice excipitur a Rege Ludovico, cui Epistolas Pontificis reddidit. Tunc statutum, ut Reges Ludovicus, Carolus, & Lotharius Coloniae congregarentur, ubi de conservanda pace agerent.

Inde

Inde Arsenius Gunterivillam ad Re-
gem Lotharium profectus tam ipsi quam
Episcopis & Optimatibus tradidit Epi-
stolas, quæ ei excommunicationem mi-
nabantur, nisi ejecta Waldrada Theut-
bergam reciperet. Tunc vero illa aucto-
ritate, qua Summus Pontifex si adfuisset,
Episcopos convocat, ipsisque præsentibus
Regi denunciatur, jam alterutrum sibi
esse eligendum, vel uxorem suam reci-
pere, vel hac hora excommunicari. Rex
inter malleum & incudem positus, pro-
misit invitus, se uxorem recepturum.
Tum Arsenius in Neustriam pergens cir-
ca medium Julii Attiniacum pervenit,
ubi redditis Regi Carolo Papæ Epistolis,
Rotadum quoque Episcopum, Roma ad-
ductum obtulit, qui in Sedem suam Sues-
sionensem, secundum mandata Pontificis,
eo facilius restitutus est, quod illum, qui
ipsius locum tenuerat, interea mors ab-
stulisset.

Eadem die, Arsenio negotium urgen-
te, Theutberga Regina Archiepiscopis
Regni Lotharii traditur, & ad eundem
Principem reducitur. Quippe Hugo
Theutbergæ frater anno superiore 864.
interemptus fuerat a militibus Ludovici
Imperatoris, quo invito Abbatiam S. Mau-
ritii, aliasque amplissimas ditiones occu-
pabat, atque eo sublato Theutberga rur-
sus ad præsidium Regis Caroli convo-
lans,

Sæculum IX.
A.C. 865.*Ann. Bert.*
865.*Ann. Met.*
866.*Hincm. in*
laud. c. 5.
*p. 401. & 405**Ann. Bert.*
864.*Ann. Meten.*

Sæculum IX. A. C. 865. Ians, ab eo Abbatiam Avenacensem in Diœcesi Rhemenſi poſitam acceperat. Igitur illa ad Lotharium reducta, & Arſenio quoque ad ejus Regiam reverſo, duodecim Comites nomine Regis juramenti fide ſe adſtrinxerunt, ipſum deinceps Theutbergam apud ſe iis modis, quibus legitimam uxorem deberet, ſub pœna excommunicationis in hac vita, & damnationis in altera, habiturum. Rex etiam Waldradam iter Romam ingredi juſſit, ubi de factis ſuis rationem redderet.

*Nic. ep. 58.
p. 453.*

*Arsenius in
Francia,*

Cum deinde Lotharius, ad foedera cum Carolo patruo ſuo renovanda, Attinacum veniſſet, Arſenius quoque illo reverſus, vulgavit Papæ Epistolam, qua niſi reſtituerent, omnibus diris devovebantur fures, qui ante annos aliquot eidem Arſenio magnam pecuniæ ſummam abſtulerant. Item Ingeltrudem Boſonis uxorem excommunicatam iterum promulgavit. Præterea nomine S. Pontificis prædii Wandoverani, a Ludovico pio Imperatore S. Petro donati, & a quodam Comite, cui nomen Guido, per complures annos occupati poſtliminio poſſeſſionem adiit. Itaque Arſenius omnibus, quæ in mandatis habebat, a Rege Carolo impetratis Gunterivillam reverſus, ibi per aliquot dierum ſpatium Waldradam præſtolatus eſt.

est, quam in Italiam deducturus erat. Sæculum IX.
 Tumque in Die Assumptionis Sanctæ Vir- A. C. 865.
 ginis Sacra Missæ solemnia, præsentibus
 Lothario & Theutberga cultu regio at-
 que coronis fulgentibus, celebravit.

Cum Waldrada iter ingressus per
 Germaniam & Bavariam, patrimonia
 S. Petri in illis regionibus sita recuperan-
 di causa commeavit. Wormatiæ vero *Ann. Met.*
 diversanti, quo Regi Ludovico colloca- *866.*
 turus iverat, Ingeltrudis se obtulit, &
 terribili juramento se obligavit, se Lega-
 tum Romam secuturam, & quidquid Pa-
 pa imperasset, facturam. Sed en, mu-
 lieris levitatem! cum iter facientem us-
 que ad Danubium, nobilissimum flu-
 vium, fuisset comitata, dixit, ad quem-
 dam propinquum sibi esse divertendum,
 a quo equos necessarios acciperet, se
 autem Augustæ Vindelicorum Legato
 iterum præsto futuram. Sed fidem fal- *to. 8. Conc.*
 lens in Franciam reversa est. Quo com- *p. 493.*
 perto Arsenius, Epistola ad omnes Epis-
 copos Galliæ & Germaniæ data, nomi-
 ne Pontificis prohibuit, ne hanc mulie-
 rem in suas Dioceses reciperent, præ-
 cepitque, ut eam excommunicatam de-
 nunciarent, nulla habita ratione absolu-
 tionis, quam a se acceptam exhibere pos-
 set. Sed nec Waldrada fidem religio-
 sus servavit, nec Romam ivit. Hic
 Legationis Arsenii successus fuit.